

Mvù Pôl mé bò Yeésò bò ké Filíp

Bèh bieê

¹ Né mè Pôl, bèh Timotê nyagá njií né mé bí κωό. Béh né bò seê bò Yeésò *Kristò. Béh bie né bí bò Càη bò lè λοό Filíp; béh né bò kokoô bò mé bò mabon lètenè bìi δωόνη bieé ndo. Bí né gi te ceér Yeésò Kristò. ² Càη Tele beèh bô Fehtoò beèh Yeésò Kristò a, kúlú bí, bó haá bí δλê.

Njií mé Pôl né Càη teèn felè bò Yeésò bò dua

³ Cu δωόνη, mo mè baá bí munó, mè né yeé Càη felè bìi vra. ⁴ Mo mè baá bú felè bìi dua, mè dua lom yeé bú mé vógó-temé mene ndo. ⁵ Lòu sam, bí lé naâ mè seé Càη gam. Bí lé duóm naâ lòu mé bí lé ηgweé λογó naâ ηγòr Càη teèn, tóg nde waà hên, bí yì ηgwéh. ⁶ Mè né κωό ye, seé bagaà mé Càη lé ban λοò naâ ké lètenè bìi hên, Càη nde né bú mboón som keéh; nde né lòu mé Yeésò Kristò cu ndeè né teèn. ⁷ Mè dé hên tueé yíí né teèn. Lòu sam, mè né kwàgà bìi yieé. Béh bí baá gi dé beèh kènê te fùgò Càηe. Mè né κωό ye, bí né jomo mò ká gwà cibì, faá bí lé naâ jomo mò te ηγòr Càη no. Béh bí lé Njàgà Bagaà ter lege njií naâ κωό. ⁸ Càη né dé seèn κωό ye, mè gwaán né bí mé temé Yeésò Kristò mene δωόνη ndo.

⁹ Mè né lom Càη cu δωόνη felè bìi dua, te gwaân yam nde den lètenè bìi ménâ, te bí den komo ye

mé kékɔŋ, bí ɲene kɔ bò ɲèh dé bebagaà mé dé vevenê, ¹⁰ bí geí weh bò dé bebagaà. Te Kristò ndeè cuù loù sâ, à kwa gi bí ɲagásé mé veên yoòr sam. ¹¹ Bí bɔ́ kómo gi nde né bò seé didilí mé terreb Yeésò Kristò, te bò nùàr ɲene môn, bó seén Càn ɲeèn, bó *sumú bú ndɔ.

*Yeésò *Kristò né yòŋ*

¹² Bò nùàr mò, bí kɔ́ ye, bò ɲíí mé né gi mè kwa hên dɔ́ŋ né seér ɲgòr Càn lòu gam ma.

¹³ Bò sɔ́jì mé ke yeé bɔ̀gò mgbè Rôm né gi kɔ́, ye mè né mbòŋ Yeésò Kristò, wa mè gwà cibì hên yila kuú né dé cì ma. Bò nùàr dɔ́ŋ né gi mân kɔ́ ndɔ; ¹⁴ te bò Yeésò bò kókoó mbaá yeé nde ɲene mè né ká gwà cibì te ɲgòr Càn ɲe mán, haá bó terreb te ceér Fehtoò beèh ndɔ, bó ɲar yila lom ɲgòr Càn seé, bó ɲjeré déi vèh cú.

¹⁵ Mè né gi kɔ́ ndɔ, ye bò nuaré déi dé bɔ̀n ɲgòr Kristò tueé lom né mé sà mene, te bó ba ɲíí mè doó. Mé ɲjéh mene, ju sam, bò déi né ɲeèn, bó né ɲgòr Càn mé temé cén tueé. ¹⁶ Temé bɔ̀n né gi yoòr mò, bó né kɔ́ ye mè né ká gwà cibì, te gam Njàgà Bagaà ma. ¹⁷ Dé bò dé hèllè, bó ɲgòr Kristò tueé né mé temé fà, bó né huer felè mò kuú, te ká gwà cibì mè ɲene seér gèr mé ɲjéh lòu.

¹⁸ Yúlá ɲgwéh ndɔ. Bò temé fèfà bò tueé mene kɔ́, né mene bò temé cécéné bò, dɔ́ŋ bó tueé gi né ɲgòr Yeésò Kristò, temé mò né gi mé ɲjéh vɔ̀gɔ́; nde né ménâ vɔ̀gɔ́ ndeé den ndɔ. ¹⁹ Mè né kɔ́ ye, bò ɲíí hên nde né dɔ́ŋ huóóm gií, te gam

som mè lè gwà cibì, njua Càᅇ duaà mé bí dua yeé felè mò doᅇ; njua Cúcuí Yeésò Kristò mé né gàm mò ndᅇ. ²⁰ Mè tueé bí, mè fegùli gwàn ᅇgwéh, mè gwaán seér né dene tarê lè ᅇᅇò Càᅇ. Mè kᅇ né ye nde né ménâ bᅇó ndᅇ, ndèm mò né gi teèn sâ. Mè nées mene làn, mè kuú mene, mè gwaán lom né te ᅇᅇᅇ Yeésò ᅇgulí yuo kelà yoᅇr mò cu doᅇᅇ faá bèh mân. ²¹ Mè kᅇ né ye, cu mé mè nées mé njolo, yᅇᅇ mò né Kristò. Mᅇ mè kuú, huᅇm kela cu ye baá-re cí sâ. ²² Á hèn, mᅇ ye mè dèn lè ká cie, te mè bᅇó nyegé seé Càᅇ, sâ mè ke weh nde né dé heè? ²³ Mè ndaᅇ le aá kèn. Mè gwaán kela né yí kwarè Kristò yuo den ndeé; yí doᅇ sâ huᅇm kela né kᅇó. ²⁴ Á, ká lè wᅇᅇᅇ kwarè bìi mé njolo deèn, né cu njèh bagaà ndᅇ, te gam bí, ²⁵ mè né dé sâ ménâ kᅇó nyegé.

Mᅇ né mân, sâ, mè né kᅇó ye, mè nde nées ká cie den weh ye. Bèh bí den nde né kᅇó, te gam njií ser bí ké toᅇ, te bí samé kwaá njií nyegé temé yoᅇr Càᅇ bagasé. ²⁶ Mè nde né te gwà cibì yuo. Mᅇ bèh bí baá cu kᅇó, bí nde né sagár, te bí seén nyegé Yeésò Kristò felè mò, ye mè baá cu lètenè bìi ma.

²⁷ Njèh cén, bí dèn dilli yí teèn faá Njàgà Bagaà Kristò tueé né nᅇ. Mᅇ bí né teèn ménâ den yíi, sâ mè né mene kwarè bìi, mè né mene dàb, mè nde né ᅇᅇweé njií, ye bí né lom ceér seèn téᅇ sie huᅇóm, wa bí né gi mé sòn cèn, bí né gi doᅇᅇ mé temé cèn lege, te Njàgà Bagaà yam, bò nuàr kwaá njií temé teèn ma.

²⁸ Mᅇ né mân, bí té bò bùᅇò bò bìi vèh nyì gùm doᅇᅇ, te bó ᅇᅇne kᅇ teèn, ye bó vu le aá kèn; wa

bí dé bì yili yuo aá kèn ndɔ. Càn yili sòm nde né bí kɔ́. ²⁹ Njua mé bí né beè Kristò, bí baá gi dé bì mé fùgò Càn yoòr. Fùgò sâ né mân: déi né temé yoòr Kristò kwaá nji; déi né gèr jomo seèn ñenê ndɔ. ³⁰ Sâ tueé né ye, bí yíí aá be teèn kèn; béh bí taáb hên lieé né dɔ́ɔ́. Mè lé naá gi mé njéh ké lètenè bì lieé yuo kelâ, lé naâ njolò bì ndɔ. Hên nde den née cí ye, bí bú ñgweé gi aá kèn.

2

*Dene Yeésò *Kristò*

¹ Yoòr Kristò nyɔ́gɔ́ deèn, né bí terreb haá wa? Gwaán mé à né bí gwaán hên, né bí yoòr taré ndɔ wa? Teèn sâ Cúcuí Ñagâ te bilí aá bí bècène wa? Bí né jere lètenè bì kɔ́ kuú wa? Bí né temé lètenè bì huɔ́m kuú ndɔ wa? ² Mɔ né mân, sâ bí mɔ́gɔ́ dèn cu dɔ́ɔ́ mé sòn cèn, mé temé cèn, bí né lètenè bì gwaán kuú. Mɔ bí né lètenè bì ménâ jéjég bɔ́, temé mò nde né lè sagár dé gècèn. ³ Bí té keên ñgéré, bí té bò mbaábi yoòr ñúmó. Nùà kàn a, ñá sér nùà dɔ́lê toò bò mbeí lò. Nùà kàn a, wèh mbeí faá nùà kɔ́ seèn nɔ. ⁴ Nuaré déi té njèh léláɔ́ dé seèn bó lò; njèh dɔ́ɔ́ bí bó kwá dé bò mbaábì teèn. ⁵ Bí dèn lètenè bì mé temé Yeésò Kristò lè. ⁶ Kèkènè Càn mé gùm mene né gi yoòr seèn. Mé njéh mene, à teèn ñéí ñgweh. ⁷ À bèh denè seèn kwaá lɔ seér naâ mé be, à ña nùà; bó ñar bú lò, à ña kwer ndɔ. ⁸ À ndabé lɔ feh seèn teèn mé sòn Càn ñgweê.

À yila nde weéh te cio; né mene cio te toû,
à lé ngén ná ngwêh.

⁹ Yeé baá ménâ, Càn *sumú njií bú ter ndo,
à bú sie kwaá seér dé koô felè njèh doôn,
à yilá kwaá bú yilí dé koô yoòr ndo.

Yilí bú sâ né gi yilí bò nùàr doôn mé terreb
yógó keéh.

¹⁰ Né yilí Yeésò. Ye te *wón doón veéh gi cí;
né mene ké ter, né mene ká doó, mé ké dòu mene
doón, te bó cemmé gi toò seèn,

¹¹ bó né mé sòn boòn tueé ye:

Yeésò Kristò né Nùà Dueè kóó;

te terreb Càn Tele seèn ñené yuo kelà bèsonè mé
njéh.

Bí dèn ká lè wóñe faá ñagâ nɔ

¹² Bò mbeí mò, sâ mo né mân, mè la mene
kwarè bìi sam cuú, bí ngwé dèn ká tie cu doón,
faá bí lé ngweé naâ, cu mé mè né ké yoòr bìi nɔ;
bí ngwé yógó kéh cú ménâ. Bí vèh Càn veèh, bí
béné yilá gí lè seé seène, te bí yili yuo. ¹³ Bí kóó
ye, Càn boó den né seé yoòr bìi kóó te bí gwaán
ye njií mé à gwaán nê, bí boó ye njií mé né bú
yoòr huóm ndo.

¹⁴ Mo bí baá seé dé kàn boó, bí té ndúgó, bí
té lùlù ndo. ¹⁵ Bí né bò ñunà Càn; bí dèn mé
sòn fuú, bí dèn ñagásé; njeré déi a, té bí yoòr
túán, wanóñ bí né lètenè bò gogobó bò kela, bó
veên dùlà bèh. Bí né ñagâ lètenè boòn, bí né faá
mbentò nɔ. ¹⁶ Bí kóó ye, bí né mé ngòr yòñ beè,
te bí feh bò nùàr. Mo bí boó né ka mân jéjég, sâ

loù cuù Kristò temé mò nde né felè biì sagár, ye seé mò ké lètenè biì lé mbaá vù lè ná ñgwèh, mè lé núr mbaá kú ná ñgwèh ndo.

¹⁷ Bí kóó ye, mbe dé biì né temé mé bí né yoòr Càñ kwaá ñjií sâ. Dé mò, merré déi bó nde né mè wulá. Mò mè kuú mene, sâ húóm mò nde né lè mbe biì doò sagá yilá ndo. Mò né mân, sâ mè né mé vógó-temé dé gècên; bí sàmè gam mè teèn. ¹⁸ Bí dèn mé vógó-temé ménâ ndo, te mè samé gam bí teèn.

Timotê bô Èpàfèrodí

¹⁹ Mò Fehtoò beèh Yeésò né gwaán, sâ toò hên mè ndeè né Timotê ké yoòr biì temá ñjií, te mè ñgwéé nyegé ñjàgà biì sònò seèn, yo taré mè. ²⁰ Nuaá mé béh bú né seé hên munó, né lom bú. À munó lom né bí dé gècên. ²¹ Bò déi nyamé lom né seé bòòn, bó dé Yeésò Kristò tán ñgwéh. ²² Dé Timotê, bí né kwàgà seèn yieé, bí né kóó ye, à né yeé mè seé bóó gam, béh bú seé Njàgà Bagaà bóó lom né faá tele bô huaán no. ²³ Kò mè ñgwéé ñagá baá ñjií mé né felè mò ndo, te mè tema ñjií ye bú ké yoòr biì. ²⁴ Mè né kóó nyegé, ye Fehtoò beèh né mé terreb teèn; sâ toò hên mè mé feh mò, mè ndeè né bí yon ke ndo.

²⁵ Mè ye te kènê Èpàfèrodí jògò nde cuù ké lo ye. Né mbeí seé mò, à mè taáb Njàgà Bagaà lie gam yeé kóó. Bí lé ye bú a, ndé gam mè teèn; à gam aá mè kèn. Huóm né dé kènê à cu cu ké lo yoòr biì. ²⁶ Lòù sam, à lé naâ baán, bí lé naá gii ñgwéé. À yeé ñgwéé aá ménâ, temé bú lè diè cú ndo, à né mé tuaá biì. ²⁷ Mè tueé bí, à lé naâ

beén tarê die; le man à kuú yili. Càn lè kɔ loóm naâ bú jere kɔó. Dé sâ Càn lè kɔ bilí naâ teèn mé jere mò mene, wanɔ́ɔ́n mè sé naâ mé yúlá-temé te mbeî kuú ndɔ. ²⁸ Mè bú ké jomo wágácén hên tema njií cuù né te yo taré bí, temé die bí lè, die mè lè ndɔ. ²⁹ À baá ké yoòr bìi ndeê. Mɔ à waà, bí siè nyégé bú mé vógó-temé, bí sie bú mé temé Fehtoò beèh lè mene. Bí wèh kwá bú nùàr beè bìi. ³⁰ Mè tueé bí, à lé naâ cio te seé Kristò ηγɔ́ɔ́n; ye kɔ nyí gam aá mè sòn bìi kèn. Le man à kuú yili teèn ndɔ.

3

Dene gècên njolò Càn

¹ Bò nùàr mò, mè tueé lɔ né ye bí a: bí sàmè dèn beè Fehtoò beèh lòù. Mè né mene lòù tueé ferré, mè hómó ndé ηgwéh, te gam bí.

² Mè ye bí a, bí bòn feh bìi mé bò nyeên bò; né bò nyam; bó ηgela seér né te *ηgór ηɔ̀ɔ̀b tég, wa te nùàr ηa ye nùà Càn. ³ Sâ ηgór gècên ηɔ̀ɔ̀b né yeé dé beèh ndɔ. Seé Càn mé terreb Cúcuí seèn bɔ́ɔ́ yeé béh; béh sagár lom né mé Yeésò *Kristò, béh ndèm mé tòù bò nùàr kwá bèh. ⁴ Mɔ sam, mè sé né ndèm teèn kwaá njií ndɔ. ⁵ Lòù sam, mè lé yeé baá cieé téndelé, bó lé naâ mè ηgór ηɔ̀ɔ̀b. Mè né bò huaán Iserála, bó lé mè ηaár naâ lè gèh bò Benjamên, mè né bò *Hebreèh bò jéjég sâ. Mɔ bó jue né *sóú beèh joloò, mè né *Farisiên. ⁶ Mè lé jolo lom beéh sóú beèh faá cí nɔ, mè nde teèn wula bilí cu mé bò nùàr Yeésò

Kristò mene. Mò bó sé ye, nùàr nde né mé sòú yili yuo, mè sé yili yuo naâ mé sòn fuû.

⁷ Mé njéh mene, bò njií mé lé naá giì beè mò faá njèh kàm hèllè dɔ́ɔ́n kènê baá seér beè mò mbièrrè mbaá. Mè kɔ lom aá njií mò Kristò.

⁸ Lélánj bò dé hên jí lòm ñgwéh, mè né cu mé bò njèh dɔ́ɔ́n mene ñgɔ́ɔ́n bilí. Mè bó ñgon né te mè kɔ lom Yeésò Kristò Fehtoò mò, tétán né cí. Mè horó sɔm aá be mò te bò njií sâ dɔ́ɔ́n kèn. Mè su njií gi aá bó doó faá ñgwɔ̀ɔ̀b nɔ, te Kristò den lom njèh kàm beè mò kɔ́, ⁹ mè nyɔ́gɔ́ nde yoòr seèn. Yeé baá môn, mè baá toò Càn dilísé ndɔ. Dé sâ dèn cú mé sòú hèllè joloò, baá seér mé temé yoòr Kristò kwaá njií. Bú sâ né njua Càn. Bòó mé né temé yoòr Kristò kwaá njií dɔ́ɔ́n, à né gi bó ménâ bóó ndɔ. ¹⁰ Kènê mè gwaán lom né Kristò kɔ́ nyegê; mè gwaán né terreb seèn felè ciòò kɔ́ nyegê ndɔ. Mè gwaán né gèr faá bú nɔ ñenê, te mè kuú faá bú ndɔ. ¹¹ Mè né ndèm kwaá, ye mɔ nde né yieé, mè nde né lè cio komo yuo faá bú nɔ.

Ké teèn dula waâ

¹² Mè túé ñgwéh ye, mè wa baá dé mò ké teèn kèn, wa mè baá dé mò ñagásé ndɔ; môn sam. Mè née te doò ye. Yeésò Kristò ke sɔm aá mè kèn, mè bú hên ke weh né dé cí. ¹³ Bò mbeí mò, mè baá lè doò. Mè múnò ñgwéh ye mè sie kwa baá; dé sâ ndóg. Mè kɔ lom né njèh cén, ye dùlà ndé lòm tetoò, mè njolo jomo kè ní ndé cú. ¹⁴ Hên mè dula nde den né ké sònòbò te mè yieé weh sàgà doò mò. Né ké te vulúu, bèh mé Càn né béh jomo Yeésò Kristò yilá njií.

¹⁵ Béh bòó mé taré gi aá lè ceér Cànɛ ɗɔ́ɔŋ, béh múnò gí kèi cén méná ndɔ. Mɔ lètenè bìi bò déi né mene bèh hiín munó keéh, Cànɛ nde né bó feh nyegé. ¹⁶ Bòó mene naàn, béh bèlè dèn ká ceér Cànɛ kèi cén faá béh lé bele ɗuɔ́ɔm naâ nɔ.

¹⁷ Bò mbeí mò, bí bèlè lòm gule mò. Bí kè wèh yoòr bòó mé den né faá béh ndɔ. ¹⁸ Mè lé bí tueé beéh cu ɗɔ́ɔŋ, mè bí kènê tueé né mé yímé njolò mene, ye bí a: bò nùàr kókoó mbaá né Kristò bunó. Béh né yoòr bɔ̀ɔn ñené kɔ́ɔ, ye cio mé à lé kuú naâ ké te toú doô né faá njèh mbaâ beè bɔ̀ɔn nɔ. ¹⁹ Bò sâ bò nde né dé bɔ̀ɔn mbaá kum le. Lòu sam, bó Cànɛ òlùlà bèh, bó kɔ lom né lèi bɔ̀ɔn. Bò njií mé bó nde né teèn gulí, bó né seér teèn taré kuú. Temé bɔ̀ɔn gwaán kela né bò njèh wɔ́ŋ.

²⁰ Dé beèh môn sam, béh bí né gi dé beèh bò huaán loô ké te vulúu. Hên béh kela den né Yìli nùàr Fehtoò beèh Yeésò Kristò mé ndeè né suagâ.

²¹ Mɔ à ndeè waà baá, à nde né yo beèh dé wàn hên kweéh seér, te den ñagásé faá yo dé seèn nɔ. À bòó nde né mé terreb seèn; à njèh ɗɔ́ɔŋ ka seèn bilí kwaá gi né mé terreb bú sâ.

4

¹ Mɔ né mân bò nùàr mò, bí dèn ndé lòm dé bìi ka Fehtoò beèh nɔ́ɔŋ. Temé mò né gi yoòr bìi, mè né mé tuaá bìi ndɔ. Bí sɔm keéh né be seè mò cie kɔ́ɔ. Bò mbeí mò, mè né mé vɔ́gɔ-temé felè bìi dé gècèn.

Bèh ndéɓ leéb

² Mè hên tueé njií né mé Èvòdì bô Sèntík; mè ye bó a: Kúkùr bɔ̀ɔ̀n, bó dèn kè beè Fehtoò beèh mé sòn cên. ³ Mbeí mò, mè né wò bɔ̀ɔ̀n ndɔ̀, bélé né lè seé cén-e fà dɔ̀ɔ̀n; kúkùr yeè ndé gàm bò véh fà hên gaàm; béh bó lé seé Njàgà Bagaà bɔ̀ɔ̀ naâ dɔ̀ɔ̀n, béh bó lé naâ seé temá dé gècên. Bò fà bò hên mé Klèmân bó bò mbeí seé mò déi lé naâ kɔ̀ɔ̀. Mè tueé wò, yilí bɔ̀ɔ̀n baá gi ké te mvù yòɔ̀ nyagá den.

⁴ Bí sàmè dèn cu dɔ̀ɔ̀n beè Fehtoò beèh; mè né tueé ferré, bí sàmè dèn teèn lòù.

⁵ Bí dèn dɔ̀lɛ́sɛ̀ toò bò nùàr dɔ̀ɔ̀n. Fehtoò beèh baá ndeê. ⁶ Bí té njeré déi nyàmè gùm dɔ̀ɔ̀n. Né mene cu dé heè, mɔ̀ njeré déi né bí yɔ̀gɔ̀, bí dùà nji mé Càn, bí né bú kugór, bí né bú vra ndɔ̀. ⁷ Càn nde né bí dɔ̀lɛ̀ haá, te temé die bí lè, bí den lom beè Yeésò *Kristò pɔ̀n. Gèh dɔ̀lɛ̀ bú sâ, bò nùàr bú ngwé kòmò bèh.

⁸ Bò nùàr mò, mè tueé lo né ye bí a: bò njèh dé bebagaà mé bò nùàr nde né Càn teèn seén, bí siè nyégé bó sieè. Bò dé gècên mé bò nùàr dɔ̀ɔ̀n nde né veéh gií, bò dé didilí, bò dé ɲɛɲagá mé né njolò bò nùàr lieé huɔ̀óm dɔ̀ɔ̀n, bí siè nyégé cí. ⁹ Bò njií mé bí lé naá gií sònò mò ngweé, mé bí lé naâ gwaán, bí bó bá cí. Mè lé tueé deén naâ tieè biì, mè bɔ̀ɔ̀ den njolò biì ndɔ̀, kènê bí bó bá mé be biì. Mɔ̀ bí né ménâ bɔ̀ɔ̀, bí bò Càn mé haá yeé dɔ̀lɛ̀ den nde né kɔ̀ɔ̀.

Pól né Càn felè bò Filíp bò vra

¹⁰ Mè beè Fehtoò beèh né mé vɔ̀gɔ̀-temé dé gècên. Lòù sam, bí baá cu mè ke nyegé. Sâ bí

lé naá giì ménâ felè mò munó ndo, ye te bí gam mè. Njèh cén, bí lé lón kwà ná ngwèh lòù. ¹¹ Mè túé ngwéh ye njeré déi né mè saám ndo. Mè den meh gi aá dé mò mé gèh dé hèn kèn. ¹² Né mene dene saám, né mene dene sèsàm, mè né gi den kóó. Né mene he, né mene naàn, beè mò táaré cú. Mè né mene fulu, mè soó mene cùè, njèh né mene teèn, mene teèn sam, mè maán kó gi aá dene bú sâ kèn. ¹³ Mè né bò njií sâ doón bóó kóó gií. Né Kristò haá né mè terre b sâ kóó. ¹⁴ Mé njéh mene, bí lé naâ mè lè gèr-e gam dé gècèn; mè né bí vra.

¹⁵⁻¹⁶ Bí bò Filíp bò, bí né gi kóó, ye cu mé mè lé ndeè naâ Njàgà Bagaà ké Tesaloník tueé duóóm, bí lé mè njèh ké sâ tema njií beéh kóó, te gam mè. Mè kwaá lo mene tàbè bìi Masedína, béh bí lé gam kuú cegé naâ kóó, bò Càṅ bò déi lé be teèn yí ná ngwèh.

¹⁷ Mè túé ngwéh ye mè né njeré déi beè bìi gwaán; háyè, mè gwaán seér né te bí kwa sagá cu nòmò bìi teèn. ¹⁸ Bò njií mé bí lé naá giì mè temá njií sâ doón, mè lé naá giì njéné; né kókoó. Kèné mè baá lom mé njèh beè ngún. Èpàfèrodí lé wàà naâ mé njéh kóó, ye naâ beè bìi ma. Kùsèm sâ né mbe dé bìi, Càṅ né njolo teèn ke njií, né njèh bagaà beè seèn dé gècèn. ¹⁹ Càṅ mò né Càṅ sèsàm; njií mé né bí saám doón, à nde né bí mé be terre b seèn haá laré; à bí haá né mé njua Yeésò Kristò. ²⁰ Kùsèm Tele beèh Càṅ, be terre b yeè a, njá dèn cu doón ter dé nyè mà mé

nyèmà. È môn.

Bèh cerê

²¹ Bí bíé kék bò Yeésò bò lóó dónj mé yilí seèn.
Bò mbeí mò mé béh bó né kóó, ye bíé kék bí ndo.

²² Bò Yeésò bò ká lo dónj ye bíé kék bí; tétég né
bòó mé né ké mbàm lè bógò mgbè dueè.

²³ Húóm-temé Fehtoò beèh Yeésò Kristò a, ká
sìè jí bí beè.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 13 Jul 2024 from source files
dated 29 Jan 2022

f0e8e7ba-c2cf-57f7-9a60-8ff0e792e158